

ՔԱՂԱՔԱԳԼՈՒԽ ԱԼ ԽԱՏԻՍԵԱՆԻ ՃԱՌԸ

(Արտասանված յօրելեանական հանդիսին ներսխեան գարոցում)

Չերդ բարձր գերազանցութիւն, ձերդ սըրբազնութիւն, յարգելի պարոններ ու տիկիններ, թոյլ տուէք ինձ թիֆլիս քաղաքի, նրա ազգարնակութեան և ինքնավարութեան անունից արտայայտել ամբողջ հայ ժողովրդին, յանձին նորին Սրբութիւն Ամենայն Հայոց Կաթողիկոսի, Չերմազին խնդակցութիւն այսօրվայ հանդիսի առիթով: Տասեհինգ դար առաջ, հայ ժողովրդի կեանքի ոսկեղէն շըրջանում, գտնվեցին հայ գրերը: Եւ նրանք շը կորան, շոչնչացան այն սոսկալի արեան հեղեղներում ու տանջանքների հնոցում, որոնց միջից անցան հայոց պատմութիւնն ու հայ ժողովուրդը: Ծակատագիրը հասցրեց նրանց մինչև մեր օրերը: Չորս հարիւր տարի առաջ առաջին անգամ լոյս տեսաւ հայերէն լեզուով հրատարակված գիրքը: Եւ ժողովրդի կուլտուրական կենսունակութեան այդ մեծ կոթողները հանդիսանում են այն անշէջ հուրը, որը Չերմացում է ժողովրդի կեանքը նրա գոյութեան ամենամոայլ շըջաններում: Նրանց շնորհիւ, հայ ժողովուրդը ապացուցեց իր իրաւունքը գոյութիւն ունենալու աշխարհիս կուլտուրական ազգերի շարքում, և այդ իրաւունքը այժմ ոչ ոք չէ ժխտում: Բայց գոյութիւն ունենալ՝ չի նշանակում ապրել միայն ֆիզիքական կեանքով: Թոյլ տուէք ինձ մաղթելու, որպէսզի՝ այլ և այլ երկիրներում ապրող հայերի համար հաւասար չափով ամեն տեղ էլ լինի այնպիսի հնարաւորութիւն խաղաղ կեանքի, որ անխռով կարողանան վայելել մայրենի դպրոցի և նրա զէնքի՝ տալագրական գրքի մեծ բարիքները ու ձգել իրանց լուսնն աշխարհի ընդհանուր կուլտուրական գանձանակը: Թոյլ տուէք մաղթել, որպէսզի հայ ժողովուրդը, որ մի շարք դարերի միջից բերել հասցրել է իր ազգային հոգևոր դէմքը, ամենուրեք կարողանայ վայելել մարդկային կեանքի այն պայմանները, որոնց մէջ ամեն մի գեղջուկ ու բանւոր լինէր գրագէտ ու կարողանար գիտակցօրէն մասնակից լինել մեծ հայրերին՝ Սահակին ու Մեսրոպին մեծարելում: Թիֆլիսի բոլոր այլացեղ ազգարնակութիւնը այս հանդիսաւոր օրերին Չերմազին բարեմաղթում է հայերի կուլտուրական-հոգևոր կեանքին բազմաւոր զարգացում: Անցեալի յուշարձանները թող ոգևորեն ժամանակակիցներին՝ յետագայում մեծագործութիւններ կատարելու: